

Kulelive lanamuhla lelichumene, lwati lwekukhuluma tilwimi letinyenti nekuba nemibono yekukhuluma tonkhe tilwimi kulikhono lelibalulekile. Ngisho nekuba nelwati lolungakapheleli lwekati tilwimi letindlula kulunye kuyasita. Likhono lwekwati tilwimi letengetiwe luhlobo lolusha lwelwati lwamhlaba wonkhe. Kufundza lulwimi kufanele kukhuliswe kuwo wonkhe umuntfu –lomncane nalomdzala.

Nanoma kunjalo, tinkhulungwane tebantfu kuwo wonkhe lomhlaba bancishwa lilungelo lekutalwa kutsi bagcina, batfokotele futsi batfutukisa tilwimi tabo letichaza bungibo nemphakatsi wabo. Loku lokuphambane nebulungiswa kufanele kulungiswe kutinchubomgomo telulwimi letesekela imimango nebantfu lababulwimilwimi.

Tsine, labahlanganyela nemtimba we-Semina Yamhlaba wonkhe ye-Salzburg ku- *Springboard for Talent: Kufundza Nekuhlanganisa Lulwimi Eveni Lelikumhlabawonkhe (Language Learning and Integration in a Globalized World)* (Ingongoni 12-17, 2017 [salzburgglobal.org/go/586](http://salzburgglobal.org/go/586)), sifuna kube netinchubomgomo letitawubona kubaluleka bese aphakamisa emalungelo ebulwimilwimi.

Sitatimende se-Salzburg Selive Lelibulwimilwimi sitawusekelwa ngumbiko lochaza kabanti ngako konkhe nema blokhi ngetihloko letibalulekile letikhishwa nga-2018.

## Sitatimende se-Salzburg Yelive lelibulwimilwimi

### SIPHILA EVENI LAPHO:

- Onkhe emave lakunhlangano ye UN lange-193 nebantfu labanyenti babulwimilwimi.
- Tilwimi letiti-7,097 tikhulunywa kumhlaba wonkhe.
- Leti-2,464 waleti atisentjetiswa.
- Tilwimi leti-23 tiyasentjentiswa kakhulu, tikhulunywa ngulabdlula kuhhafu yelinanibantfu balelive.
- Bantfu labangu-40% abanalo lilungelo lekufundziswa ngelulwimi lebalivisisako.
- Bantfwana labatinkhulungwane leti-617 nalabasha abafiki ezingeni lekuba nelikhono lelincane lekufundza.
- Bantfu labatinkhulungwane leti-244 bachamuki bemave angaphandle, labatinkhulungwane leti-20 bakhosele, kwaba nekukhula nga-41% kusukela nga 2000. Bachamuki nebakhoseli babodvwa bangenta live lesi-5 leligcwele kakhulu ngebantfu kulomhlaba.

Live letfu libulwimilwimi ngekweliciniso, kodvwa tindlela letinyenti temfundvo netemnotfo, tinchubo tebuve babo nekuphatfwa kwemphakatsi kuvalela tinkhulungwane tebantfu ngekwetilwimi tabo nemakhona etilwimi tabo. Kufanele sibukane nalensayeya uma sifuna kuzuza Tinhloso Tekutfufukiswa Lokusimeme (Sustainable Development Goals), letasekelwa ngekwemtsentfo nga-2015 ngemave lange-193 "kucedza buphuya, kuvikela umhlaba nekucinisekisa imphumelelo yawowonkhe umuntfu." Indlela yetemfundvo lelinganako yabo bonkhe leyakhelwe tikwetinchubo mgomo telulwimi leticinile naletingakhetsi tibalulekile kunchubekela embili kuwowonkhe umuntfu.

### IMIGOMOSISEKELO

- Bulwimilwimi buyinkhomba lecacisa kahle phakatsi kwekufundzisa tilwimi, nemaphethini ekuchumana lokungakalungiselelwa lokuvela emiphakatsini lebulwimilwimi.
- Bulwiminyenti lwati lwekwati tilwimi letiphindzaphindziwe ngebantfu.
- Timo temlandvo, simondzawo, nekuchumana kwendlela yekuhlalisana kwebantfu netemnotfo kwenta tindlela letehlukene nekusentjentiswa kwebulwimilwimi.
- Temfundvo tebulwimilwimi, nekusekelwa kwetilwimi letinyenti letisentjentiswa emphakatsini ngemave netikhungo temave angaphandle, kutfutukisa kuntjintjina ngelwati nekuvisisa emasiko alabanye nekucinisa budlelwano bamhlabawonkhe.

Tinchubomgomo telulwimi lekubukwe lona lungakhulisa kuhlangana kwebantfu, yenta ncono imiphumela yetemfundvo nekutfufukisa kukhula kwetemnotfo. Tindlela tekufundza lulwimi lolungetiwe kuvumela bantfwana kwakha emakhono lacinile ekufundza nekubhala ngelulwimi lwabo lwekotalwa, tisita imiphakatsi kucina tilwimi tabo letichaza bungibo babo, lwati nelebatsembela kuko; nekwakha ematfuba ekufundza tilwimi letinsha letitawuba yinzuzo kuye, kutijabulisa, emasiko noma umnotfo. Tinchubo mgomo tebulwimilwimi tingacina kwehluka nekubaluleka kwekubakhona kwekwehlukahlukana kwetilwimi bese kwenta kube neluntjintjo loluhle kulomhlaba, kutemnotfo, tekuhlalisana netepolitiki.

Sicela bantfu, tinkhopolosheni, tikhungo nabohulumende kutsi basekele bulwimilwimi balungise netingcondvo tabo letitawubungata nekutfufukisa kwehlukahlukana kwelulwimi njengemgomo wahlabawonkhe, babukane netinkhinga letiphatselene nekubandlululwa kwelulwimi, bakhe tinchubomgomo telulwimi letitawuchubekisela embili bulwimilwimi.

## TINCOMO

### Kwenta Inchubomgomo

Imphumelelo yenchubomgomo yelulwimi idzinga ligalelo labosolwati nebantfu bemphakatsi labatsintsekako labatawuhlanganyela ngalokuphelele. Kwenta tincumo letinswangulukile naleticicile ngetilwimi emphakatsini kusho:

- Kukhulumisana ngemigomo lecicile leliciniso nalengaphumelela.
- Kufaka bonkhe labatsintsekako kelenchubo yemgomo, neligalelo lelibalulekile labothishela kutotonkhe tigaba.
- Kulandzelanisa inchubomgomo kusukela kutinkhulisa kuya emuva kwekucedza sikole nemfundvo leyenteka ngaphandle kwesikole nemfundvo lefaka konkhe lengapheli.
- Kubukana ngco nema asethi netidzingo tetilwimi tonkhe, kufaka kuwaphatsa, kufundza nekusentjentswa kwetilwimi tekutalwa emiphakatsini lembalwa.
- Kusebentisa lwati lwekuvisisa kulucwaningo lwetemfundvo nelwengcondvo lwelulwimi lwekutalwa nekufundvwa kwalolunye lulwimi.
- Kusebentisa likhono lwemacwaningo etekuchumana.
- Kuvikela tinsita letanele tekusebentisa ngalokuphelele inchubomgomo.
- Kubuka nekucubungula tinjongo tinchubomgomo nekusentjentswa njalo njalo.

### Kufundzisa Nekufundza

Litfuba leliphelele lwenchubomgomo yelulwimi liseiphakatsini, temnotfo temasiko kanye nekufundzisa. Kufundza lokungapheli kwato tonkhe tilwimi kubalulekile kutsi imiphakatsi isekele bese iyazuza kubulwimilwimi. Temfundvo, emakhono netinchubomgomo tetisebenti kufanele tutfufukise tibone kufundwa kwelulwimi kwawo wonkhe umuntfu, kuhambisane nekudvumisa kwehlukahlukana kwelulwimi. Bantfwana nalabadzala kufanele batfole emafuba lahlangele nalachubekako kutsi batfufuke, babe ncono futsi bakhulise emakhono elulwimi lwabo timphilo tabo tonkhe.

Indlela lensha yetemfundvo iyadzingeka lefaka tindlela letindzala naletingasentjentswa telwati bese isebentisa buchwepheshe lobusha. Tindzawo tekufundza ngelulwimi tingale kwesikole netikhungo temfundvo lephakeme. Titaladi, emakhaya, emanethweki ekuchumana kwebantfu, tindzawo tedijithali, netindzawo tekusekela bakhoseli tingatfufukisa ngekutimisela kufundza nekudvumisa tilwimi.

### Kuhumusha nekutolika

Letinsita tiyincenye yekwakhiwa nekwetfulwa kwetinsita temphakatsi nekuntjintjana ngelwatiso emimangweni lelulwimilwimi. Kuhlanganyela lokulinganako kutemphilo, temfundvo, temnotfo netimo temtsetfo kwetsembele tikwekunchubo yekukhulumisana yamahhala lekhona nelulwimi loluhambisana nemigomo.

## LUBITO LWEKUTSATSATSINYATSELO

Labatsintsekako labangaletsa luntjintjo kufaka bacwaningi nabothishela; tisebenti temphakatsi, umphakatsi netikhungo letingasito tahulumende; temasiko netetindzaba; bohulumende netisebenti tahulumende; emabhizinisi netinhlangano letikhicitela kutsengisa; ema- ejensi ekusita nekutfufukisa; tikhungo nema trasti. **Sibabita bonkhe kutsi basite.**

- Kutfufukisa tinchubomgomo telulwimi, tinchubo nebuchwepheshe lobusekela bunye nemphakatsi lochubekela embili lofuna kuya embili ngebulwimilwimi nebulwiminyenti.
- Kusekela ngalokuphelele emalungelo elulwimi, kwehlukahlukana nelilungelo lekuba ngibo ngemiculu lesemtsetfweni nemilayeto yemphakatsi.
- Kubukana nato tonkhe tinhlobo telubandlululo, kuncuma ngembili, kukhetsa nekungalingani lokuhambisana nelulwimi nelikhono lekwati kufundza nekubhala.
- Sinake kutsi labambalwa, bachamuki nebakhoseli banelwati lolusetululungasisita kakhulu kulomhlaba wanamuhla newakusasa.

Ngekwendlela yabo lehlukile, ngamunye kulamacembu latsintsekako angabamba asekele bulwimilwimi kuze kube nekuchubekela embili emphakatsini, bulungiswa emphakatsini, nekuhlanganyela kwebulunga bakho. Sikanyekanye, singatsatsa sinyatselo sekugadza lendlu yengcebo yemasiko nelwati lwebulwimilwimi sentele **situkulwane lesitako.**

\*You can find references for all statistics online: [education.salzburgglobal.org/statements](https://education.salzburgglobal.org/statements)